



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta  
præcipua, & eximiæ Virtutes Sanctorum ac Beatorum utriusque sexûs  
Ejusdem Sacri, Et Ab Origine Sua Exempti Ordinis

**Meglinger, Joseph**

**[S.l.], Anno MDCLXXXII.**

29 Januarij. 4 Cal. Febr.

**urn:nbn:de:hbz:466:1-45295**

Operā-  
dum in  
talētis.

cellensi Abbatem dederit. In quo munere talenta tibi à DEO commissa fideliter impendens; velut servus fidelis, & villicus utilis, introisti in gaudium Domini tui. Deprecare pro me Magnum illum Patrem familias; ut si quæ talenta mihi credere dignetur, donet simul gratiã, qua vivo semper proficiendi ardore in eis operer: non alium finem, quàm ejus gloriam; non aliud lucrum querens, quàm sanctissimæ voluntatis ejus in me adimplerionem.

S. BERNARDUS, ep. 253.

Profici-  
endum  
semper.

Nunquam Fustus arbitrabitur, se comprehendisse: nunquam dicit, satis est: semperq; esurit sititq; justitiam. Ita ut si semper viveret; semper, quantum in se est, justior esse contenderet; semper de bono in melius proficere, totis viribus conaretur.

(D̄)(D̄)(D̄)(D̄)(D̄)(D̄)(D̄)

29 Januarij. 4 Cal. Febr.

Circa  
annum  
1250.

B. REMBERTE: qui cum militiæ stipendia, quæ merebas, cum illis conferres, quæ sub Christi vexillo in virtutum arena certantibus promittuntur: atque illinc post laboriosas miserias, finem tristissimum: hinc post facilem

facilem pugnam, æternæ felicitatis palmas provideres: contemptâ, in qua maximè florebas, gloriâ mundique fastu, humilem Conversum in monasterio Villariensi induisti. Atq; ut in ista adhuc vita spem tuam non fore confundendam scires: aliquot ante obitum diebus, ipsemet sacræ militiæ dux humani generis Servator, unâ cum cælorum Imperatrice Virgine Matre, præostendit. *Ad militiam vocatur, quisquis ad vitam: nec cessat pugnandi necessitas, donec mors canat receptui. Te, ô beate, in hujus belli Socium invoco. Nosti fraudes & arma hostium: nosti & vires meas; utique succubituras, nisi alieno subsidio roborentur.*

B. H I M M A N A : quæ animum nobilissimo generi non imparem nacta, calcatis ab infantia mundi vanitatibus in monasterio Salsiniensi te inter Cistercienses Virgines Altissimo in humilem ancillam, castamque sponsam obtulisti. Crevere cum annis heroicæ virtutes: unde in Matrem electa, charitate indefessa, prudentia admirabili, & solitudine in singulas æquali, fortunatum regimen effecisti. Inter alia tuæ pietatis argumenta non ultimum fuit, amor & cultus erga Sanctorum

*Ostendi  
tur mo-  
rituro  
calestis  
gloria.*

*Auxiliū  
in bello  
spiritu-  
ali.*

*Floruit  
anno  
1260.*

*Cultus  
SS. Re-  
liquia-  
rum.*

Reliquias: quas cum pro voto à germano fratre Conrado Archiepiscopo Coloniensi acciperes; in diversa illius viciniae loca multam devotionem induxisti. Ut autem te Christi non gloriosi duntaxat, sed & patientis sponfam agnosceres, ingens ærumnarum procella in te repente fuit effusa. Cum enim Justitiæ zelo ducta ex urbe Namurcensi, ope illius Comitissæ, infamis vitæ faciem hominum proscripsisses; à furiosis civibus è monasterio ejecta,

*Patientia in  
adversis.*

in diuturni exilij molestijs uberem invenisti messem; ex qua dilecto tuo fasciculum myrrhæ componeres. Portum denique ex hoc naufragio dedit monasterium Flinense: cui postquam aliquot annis præfuisi: ibidem sancto fine quievisti. Scio, spinosam hanc patientiæ sylvam mihi non tam pro communi

*Hic pati, levi<sup>9</sup>  
est, quam  
Ibi.*

generis humani sorte, sed maximè in peccatorum meorum supplicium, aut in hoc, aut in altero seculo penetrandam. Tu ora, ut Deus corripiat me in hoc gratiarum & miserationum suarum tempore: utque in diem illam tremendam nihil differat, nisi quod in misericordia coronet.

S. BERNARDUS, serm. 17. in psalm. XC.

*Non contemnamus, fratres, tribulationio-*

*lacionem: semen modicum est, magnus  
exinde fructus exurgit. Fortè in-  
pidum est, fortè acerbum, fortè gra-  
num sinapis. Non consideremus, quæ  
inveniuntur, sed quæ non inveniun-  
tur in eo: quæ enim inveniuntur,  
temporalia sunt; quæ non inveniun-  
tur, æterna.*

Tribu-  
latio  
quo ani-  
mo fe-  
renda.

(☉)(☽)(☉)(☽)(☉)(☽)(☉)

30 Januarij. 3 Cal. Febr.

**B.** ÆGIDI, cognomento Amice; *Floruit*  
Abbas monasterij de Baudeloo. *circa*  
Qui in vastissima illa tunc temporis e- *annum*  
remo Angelicam vitam ducens, igno- *1230.*  
tus esse mundo, tibi que mundum cu-  
piebas. At sanctitatis tuæ fama, quasi  
sonora quædam, & densi illius Luci  
(id enim sonat Baudeloo) fragore au-  
cta vox, ita per Belgium increbuit: ut  
catervatim accurrentibus virtutum tu-  
arum æmulatoribus, Cœnobium in  
maximam amplitudinem excreverit.  
Quæ quidem ultra tria sæcula immo-  
bilis stetit: donec furibunda hæresis  
veneranda illa antiquæ pietatis monu-  
menta funditùs evertit. Sed Phœni-  
cem nimirum genueras, qui è suis cine-  
ribus redivivus, hac ætate in civitate

D 5

Ganda.